



hediye
İstanbul
Ticaret ve Sanayi Odası
Bünyesinde parayız tertimlidir

جريدة محاکم

۱۲۹۰



جمعه ایرتسی

نومرو ۶۷۵ ربيع الاخر ۱۵ سنه ۱۳۱۰ تشرین اول ۲۴ سنه ۱۳۰۸

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می غروش)
(حسابیه التمش غروشدر . طشره لر ایچون اون بش غروش پوسته اجرتی ضم اولنور . بهر)
(نسخه سی ینه مجیدیه یکر می غروش اولق اوزره یوز پاره یه هر یرده ساتیلور . درج اولنه حق)
(اعلاناتک هر برندن بر مجیدیه اخذ اولنور . سنه لکنه مشتری اولق استیانلر عدلیه نظارتی)
(دائره سنده کائن جریده محاکم اداره سنه مراجعت ایلملیدر)

واعزام اولنان مأمورلره و یر یله جک خر جراه
و یومیه نك صورت تسویه سی قونیه ولایتی
دفتر دار لغندن با تحریرات استفسار اولندیغی و مال
صندوقلرنجه تعویضاً اقچه اعطاسی تحت ممنوعیتده
بولندیغی بیانیله اجرای ایجابی مالیه نظارت
علیه سندن باتد کره اشعار اولنمشدر قضا لر محاکم
ابتدائییه سی قباح و جنحه نوعندن اوله رق
دائرة حکمی داخلنده وقوعه کلان جرایم قانونیه یی
رؤیت و تدقیق وظیفه سیله مکلف اولدیغی کی
مواد جنائییه نك تدقیقات و معاملات قانونیه سنك
اول محکمه نزدنده بولنان مدعی عمومی معاونی

قسمت سی

(فی ۳۰ ربيع الاول سنه ۳۱۰ وفی ۹ تشرین)
(اول سنه ۳۰۸ تاریخنده بالجمله ولایات استیناف)
(محکمه سی مدعی عمومی لر ینه و مدعی عمومی)
(بولنمیان محللر مدعی عمومی معاو نلر ینه یازیلان)
(تحریرات عمومییه صورتیدر)

بعض قضا لرده تحدث ایدن جرایمک تحقیقنه
خلاف قانون اوله رق لوا مرکز لرندن تعیین



قسم غیر رسمی

باش مدعی عمومیک مأموریت عیب سندن
اوراق متفرعه سیله محکمه تمیز جزا دائره سنه
کوندر یلان ۱۳ ربیع الاول سنه ۳۱۰ و ۲۲
ایلول سنه ۳۰۸ تاریخ و بیک اوچیوز طقسان
الٹی نومرولی تبلیغنامه مطالعه اولندی .

مفادی صراف ناعوم غوغو وساره حقنده
اقامه اولنان ساخته کارلق دعواسندن طولایی
لاحق اولان حکم ابتدائی علیهنده اعطا قلنان
استیناف استدعاسنک ردینی متضمن مناسر استیناف
محکمه سی جزا دائره سندن و یریلان ۲۰ شباط
سنه ۳۰۷ تاریخی اعلامک تمیزی حقدہ قوشو
قوسطه طرفندن و یریلان استدعانامه دائره
عائده سندن قبول اولندی جہتله اولب بده اولان
اوراق لدی التدقیق مدعی شخصلرک مواد
جزائیهده حقوق شخصه لرینه تعلق ایدہ جک
حکملری استیناف و تمیزه اولان سلاحت
قانونیه لری حقوق شخصه لرینک کیفیت و مقدارینه
نسبتله مقید اولدینی حالده معاملات حقوقیهده

MILLI KÜTÜPHANE
ANKARA

مرعی اولان اصوله توفیقاً بوجہت بالتقدیر
بش بیک غروشندن دون اولق ملابسہ سیله
استیناف استدعاسنک رد ایدلسنک یولسزلقندن
بجمله لایحدهده درمیان ایدیلان اعتراضات بجا
و نقض حکمی موجب کورلدیکی بیانیه اعلام
مذکورک تقضی طلبی حاویدر .

اوراق سائرہ دخی قرائتله تدقیقات تمیزیه
لدی الاجرا مستدعی مرقومک لایحہ سنه عطفاً
تبلیغنامهده مندرج اعتراضات بجا و نقض حکمی
مستلزم اسباب قانونیه دن کورلدیکندن اعلام
مذکورک اصول محاکمات جزائیه قانوننک اوج
یوز اون دردنجی و اوچیوز اون طقسوزنجی
ماده لرینه تطبیقاً بموجب تبلیغنامه نقضه و جزای
تقدینک اعاده سیله ایکیوز غروش اعلام خرجنک
بالتحصیل محکمه تمیزه لزوم ارسالنه ۲۶ ایلول
سنه ۳۰۸ تاریخندہ قرار و یرلدی .

فی ۲۷ ربیع الاولی سنه ۳۱۰
وفی ۶ تشرین اول سنه ۳۰۸

اطنه ولایتی استیناف محکمه سی جزا دائره سندن
و یریلوب اوراق متفرعه سیله باش مدعی عمومیک
مأموریت علیہ سندن ۶ ربیع الاول سنه ۳۱۰
و ۱۵ ایلول سنه ۳۰۸ تاریخ و بیک اوچیوز
یتمش بر نومرولی تبلیغنامه ایله محکمه تمیز جزا
دائره سنه کوندر یلان ۱۸ محرم سنه ۳۱۰ و ۳۰
تموز سنه ۳۰۸ تاریخ و طقسان یدی نومرولی
اعلام قرائت اولندی .

مال اعلام طرسوسده کائن تکلی ناحیه سنه
تابع منظور قریه سی اھالیسندن حیط علینک
وقوعبولان قتلندن طولایی جنایتله اتھام اولنان
بودور اوغلی یوسفک اجرا قلنان محاکمه
علیہ سندن قتل مذکورہ بالتصور جرأتی ثابت
اولدینندن مجرمیتنه و قانون جزانک یوز یتمشنجی
ماده سنه تطبیقاً اعدامنه حکم اولنہرق تفھیم
قلندینی حاویدر .

تبلیغنامهده دخی متھمک زوجہ سیله مقتول
بیننده اوتہ دنبرو جاری اولان علاقہ نامشروعہ دن
حاصل اولان حدت الجاسیله مرقوم علی بی قتل
ایتمش اولدینی محکمه جہت تحت تقدیرہ کیرمش
و تحقیقات و محاکمہ نتیجہ سی دخی بوصورتی مؤید
بولنمش ایسہده مقتول ایله منبرورہ بیننده وقوعی

متواتر اولان علاقہ والفت غیر مشروعہ نیک مخبرل طرفدن بیان اولنان شکل و صورتہ نظر آ بوندن طولانی متهم مرقومک دائم الاوقات حال یأس و تهورده بولنمسی طیبی و حتی زوجه سنک اکثریا کندی یانہ کلیوب والده سنک نزدندہ بولنمسی دخی متهم ایچون تهور و حدتک دوامنه باعث اوله جفی بدیہی اولمسیله بناء علیہ حکم مذکورده اصابت کور یله مدیکندن مذکور اعلامک تقضی و حق شخصیدن طولانی مرافعه شرعیہ اجرایی جهته تشبث اولنمسی طلب اولنمشدر .

سائر اوراق دعوی دخی قرائتله تدقیقات تمیزیه اجرا اولندقدہ مأموریت مشارالیهانک تبلیغنامہ سنده کوستریلان اعتراضات بجا و نقض حکمی موجب اسباب قانونیہ دن بولنمغله اصول محاکمات جزائیہ قانونک اوچیوز اون دردیجی مادہسی موجبجه اعلام مذکورک نقضه و اعلام خرجی اولان ایکوز غروشک تحصیلله محکمہ تمیزه لزوم ارساله ۲۲ ایلول سنه ۳۰۸ تاریخندہ قرار ویرلدی .

فی ۲۲ ربیع الاول سنه ۳۱۰

وفی ۱ تشرین اول سنه ۳۰۸

قیرشهری سنجانغی بدایت محکمہسی جزا دائرہ سنندن ویریلوب اوراق متفرعہ سبیلہ باش مدعی عمومیلک مأموریت علیہ سنندن ۲۶ صفر سنه ۳۱۰ و ۲۵ ایلول سنه ۳۰۸ تاریخ و بیگ ایکوز طقسان ایکی نومرولی تبلیغنامہ ایله محکمہ تمیز جزا دائرہ سنه کوندریلان ۲۹ شباط سنه ۳۰۷ تاریخ و ایکوز سکسان بر نومرولی اعلام مطالعه اولندی .

مأل اعلام مجیدیہ قضاسنه تابع آجی قریاسنده مقیم حسن اوغلی حاجینک قتل قصدیلہ جرح اولنمسنندن طولانی جنایتله اتهام اولنان قریه مرقومه اهالیسنندن تللی اوغللری مامو ونونک قانون جزانک یوز سکسان برنجی مادہ سنه نوبقیاً بعدالتشہیر اوچر سنه مدتله کورک قونلمرینه حکم اولنددیغنی حاوی اولوب تبلیغنامہ ده دخی جرحک مرقومان طرفندن ایقاع اولندیغنی حقندہ مدعی شخصی صفتی اکتساب ایتمش اولان مجروحک برادر یله کندوسنک افادہ سنندن بشقه براخبار اولمدقدن بشقه دائره استنطاقده افادلرینه مراجعت اولنان کسانک بو باده عدم معارمات بیان ایتمکده اولسنه نظرآ مدعی شخصینک افادہ مذکورہ سنی اخباره حمل وارباب فن یعنی بیاتی

دولتجه متحقق اولیان بر تیمورجی اوسته سنک راپورتی قبول ایدرک مجر میترینه حکم و یرمک عدل وقانونک تجویز ایتیمه جکی احوال دن اولدیغنی کبی متهم وکیلنک مدافعات مسروده لرینک بلا تدقیق قبول ایدلمش اولمسی و کذلک متهملرک وقوعی درمیان ایتمکده اولدقلری منازعه مادہسی اوزرینه حضورلرینی بیان ایتدکلری اشخاصک برر بر افاده و معلوماتلرینه مراجعت اولنمق خصوصنک نظر اهمیت تدقیقه التامش اولمسی دخی یولسر ونواقص اساسیہ دن معدود بولندیغندن بخله اعلام مذکورک تقضی طلب اولنمشدر .

سائر اوراق دعوی دخی قرائتله تدقیقات تمیزیه اجرا اولندقدہ مأموریت مشارالیهانک تبلیغنامہ سنده کوستریلان اعتراضات بجا و نقض حکمی موجب اسباب قانونیہ دن اولدقدن بشقه مرقومانک فعللرینک تماس ایتدیگی یوز سکسانجی مادہ نیک متنی اصولی و جهله اعلامه عیناً درج ایدلمش اولدیغنی حالده تعیرنده یوز سکسان برنجی مادہ دینلمسی دخی سهویاتدن کورلمش اولدیغندن اصول محاکمات جزائیہ قانونک اوچیوز اون دردیجی مادہسی موجبجه ذکر اولنان اعلامک بر موجب طلب نقضه و اعلام خرجی اولان

سالمانیہ سنجانغی بدایت محکمہسی جزا دائرہ سنندن ویریلوب اوراق متفرعہ سبیلہ باش مدعی عمومیلک مأموریت علیہ سنندن ۵ ربیع الاول سنه ۳۱۰ و ۱۴ ایلول سنه ۳۰۸ تاریخ و بیگ اوچیوز یکریمی التی نومرولی تبلیغنامہ ایله محکمہ تمیز جزا دائرہ سنه اعطا اولنان ۶ ذی القعدہ سنه ۳۰۹ و ۲۱ مایس سنه ۳۰۸ تاریخ و او توز ایکی نومرولی اعلام مطالعه اولندی .

مأل اعلام بازبان قضاسنه تابع نوره قریہسی اهالیسنندن سعید بن سید حسینک وقوعه اولان

فی ۱۲ ربیع الاول سنه ۳۱۰

وفی ۲۱ ایلول سنه ۳۰۸

قتلندن طولاي جنایتله اتهام اولنان قریه
مز بوره لی سعید بن سید مصطفانک بعدالنقض
ایکنجی دفعه اجرا قلنان محاکمه علیه سنده قتل
مذ کوره اتنای منازعه ده بالتهور جرآئی ثابت
اولدیغندن مجرمیتنه و قانون جزانک یوز یتیش
دردنجی ماده سنه توفیقاً اون بش سنه مدته کورکه
فونلمسنه حکم اولنرق تفهیم قلندیغنی حاویدر .

تبلیغنامه ده دخی اعلام سابق فعل جرحک
مقابله وقوعی جهتته اماله نظر اولنامسی سببیه
نقض ایلدیکی حالده اعلام اخیره طاش ودکنک
کبی آلتک آلات جارحه دن بولمدقیری مثللو
استعمالنه متجاسر بولنانلرک قتل و جرح مهلک
بیله ایقاعی تصور ایدیله میه جنی عقل و وجدانه
خادم برکیفیت بولندیغندن شو حالده طاش و اجاج
کبی آلات ضار به نک استعمالنه قارشو آلات جارحه
وقاتله بولنان خنجر و قلنج و قا و بولنره ممائل
الات قاطعه نک استعمالی مقابله بالمثل عد اولنه میه جنی
قاعدۀ کلیه دن بولندیغندن بجنله حکم سابقده
اصرار ایلمش دیمک اولوب انجیق مخبرلرک
استنطاقنامه ده محرر افاده لرنده مقتولک ابتدا
متهمک باشی شکست ایتمدی دیملرینه نظر آمتهمک
دخی جریحه سی شدید اولدینی و مقتولک استعمال

ایتدیکی دکنک اولیبوب اجاج تعیر اولندیغنی
و بونکله برابر بالهجوم ایکی دفعه متهمی غرب
ایتدکن صکره طاش ایله دخی جرح مذ کوری
اولوجهله ایقاع ایلمش ایدوکی و اجاج وطن کبی
شیلرک آلات قاطعه دن اولدیغنه دائر میداده بر
قاعدۀ کلیه اولیبوب بولنرک آلات قاطعه دن اولدیغنی
شواناری ایله ده میدانده و اجاج و طاش ایله مهلک
جرحلرک و حتی تلف نفسلرک اکثر یا وقوعی
دخی رتبه بدهنده بولندیغنی و هر نه صورتله
اولور ایسه اولسون کندوسنه هجوم و اجاج ایله
برقاچ دفعه ضرب و طاش ایله باشی شکست ایدن
بر آدمه مقابله ایچون عین آلتک تدارک ممکن
اوله میهرق و ذاتاً و اساساً مقابله ماده سی جرح
فعلنده بولندیغنی جهتلرله متهمک اوارالق کدوسنه
هجوم و اجاج ایله برقاچ دفعه ضرب ایتدکن
صکره طاش ایله باشی شکست ایدن جارحی زرنده
بولنان خنجرله جرح ایلمش اولمسندن مقابله
درکار اولوب بالفرض اولسه بیله متهمک حکمت
قانونیه ایجابنجه یوز یتیش یدنجی ماده قانونیه دن
استفاده سی بدیدار ایکن محکمه مذ کوره جه
حکم اولده اصرار اولنمسنده اصابت کور یله -
مدیکندن بجنله مذ کور اعلامک دخی تقضی
طلب اولنمشدر .

سائر اوراق دعوی دخی قرآنتله تدقیقات
تمیزیه اجرا اولندقبه مأموریت مشار البهانک
تبلیغنامه سنده مقابله حقنده بیان اولنان مطالعات
بجا و نقض حکمی موجب اسباب قانونیه دن بولنمغله
اصول محاکات جزائیه قانوننک اوچیز اون
دردنجی ماده سی موجب بر موجب طلب اعلام
اخیر مذ کورک دخی نقضنه و اعلام خرجی اولان
یوز غروشک تحصیلیه محکمه تمیزه لزوم ارسالنه
۱۹ ایلول سنه ۳۰۸ تاریخنده قرار ویرلدی .

فی ۲۴ ربیع الاول سنه ۳۱۰
وفی ۳ تشرین اول سنه ۳۰۸

جیده بدایت محکمه سندن ۲۴ تشرین اول
سنه ۳۰۴ تاریخنی و اون اوچ عددی ایله ویریلان
اعلامک تمیزینی استدعا ایدن قضاء مذ کورک
یدس دیوانندن یازنجی اوغلی عبده و طنقچ اوغلی

محمد ایله مدعی علیه عویه دیوانی اهلایسندن خطیب
اوغلی رجب تعین اولنان کونده دائره یه
کلدکرندن اصول محاکمه حقوقیه قانوننک ایکیوز
یکرمی طقوزنجی ماده سی موجبنه تدقیقات تمیزیه
اجراسنه ابتدار قلندی .

اعلام مذ کورک خلاصه مآلی مرقوم عبده
و محمد ایله مصطفی نام کسنه نک قیویری دیمکله
معروف تخمیناً اوچ دونم مقداری معلوم الحدود
برقطعه ترلایه تصرف ایتدکری ابراز اولنان
طایو قوجانی مندرجاتی و استماع قلنان شهودک
شهادتلی ایله تحقق ایتیش اولدیغنه بناءً مجله نک
بیک سکر یوز اون سکرنجی ماده سی موجبنجه
مرقوم رجیک منع مداخله سنه دائر صادر اولان
اعلام غیابی حکمنه مرقوم رجب طرفندن عدم
قناعتله اعتراض علی الحکم استدعاسی اعطا قلنمسی
اوزرینه اجرا قلنان محاکمه و جاهیه نتیجه سنده
منازع فیه اولان اراضینک معترض رجیک اراضیسی
حدودی داخنده اولدینی مرقومان عبده و محمدک
اقرارلر یله تین ایتدیکی کبی طقسان التی
سنه سندنبرو اراضی مذ کوره یی ایجار ایله ضبط
وزراعت ایدرک بدل ایجارینی دخی اخذ ایتدیکی
شهودک شهادتلی یله ثابت اولدیغنه بناءً اراضی

قانوننامه های بونک بکر منجی و مجله احکام عدلیه سنک بیک سکر یوز اون یدنجی و بیک سکر یوز اون سکر منجی ماده لری احکامنه توفیقاً حکم غیابینک فسخیله منازع فيه تر لایه مرقومان محمد و عبداللهک مداخله لرینک منعنه حکمدن واشبو حکم علیهنده مدعیلرک خلاصه اعتراضاتی دعواى واقعه عقاره متعلق اولدینی حالده ذی الیدلکک بالینه اثبات ایتدیرلماسی و اراضی مذکورہ بی کندولری بوز خالیدن سوکوب علی الاصول اشترا ایتمش اولدقربی خصلری اعتراف ایتدیکی حالده بونک خلافتہ حکم اولنمسی و اراضی تصرفی دعوالری قیود خاقانی ایله اثبات اولنمق لازم کلور ایکن محکمه ابتدائیه جه شهود شخصیه استماع قلمسی مغایر قانون اولدیندن بختله اعلام مذکورک نقضی ومدعی علیه رجب اغانک نتیجه جوابی دخی موافق اصول و قانون اولان حکم ابتدائینک تصدیقی طلبندن عبارت بولنمشدر .

ذی الیدلکک اثبات ایتدیرلماسی و بدایه مدعی بولسان مرقومان عبداہ و محمد اغالر مذکور تر لای بوز خالیدن سوکوب تر لای اتخاذایت کلربی و جانب میریدن تفرغ ایدرک تصرفلرینه دائر طاو سندی الدقربی اثبات ایتمش لریکن اراضی مذکورہ نک مجرد مدعی علیهک اراضیسی داخلنده اولدیننه بناء مدعا علیه مرقومه حکم ایدلمسی مغایر قانون اولدیندن اصول محاکمه حقوقیه قانوننک ایکوز او توز ایکنجی ماده سی مرجعاً بجا اعلام مذکورک نقضیه قانون مزبورک ایکوز قرق دردنجی ماده سی حکمنه توفیقاً کیفیتک بالرؤیه اعلامه ربطی ضمننده محکمه مرقومه به اعاده سنه وزیرده مفرداتی مرقم درتیز او توز درت غروش مصارف تمیزیه نک ایلر و حقسز چیقہ جق طرفه رجوع ایتک اوزره اول امرده مستدعیلردن التمسنه ۱۷ ایلول سنه ۲۰۸ تاریخنده متفقاً قرار ویرلدی .

ایجابی مذاکره اولندقدہ اعلام مذکور مآلندن منقہم اولدینی اوزره دعواى واقعه عقاره متعلق اولسنه کوره اول امرده منازع فيه اولان تر لایه کیمک طرفندن وضع ید اولندینک بالینه اثبات ایتدیرلمسی قانوناً مقتضی اولدینی حالده

اردک بدایت محکمه سی تجارت قسمندن ۹ تموز سنه ۳۰۶ تاریخى و بکر می طقوز عددی ایله ویریلان اعلامک ممیزینی استدعا ایتمش اولان زراعت بانقہ سی وکیلی اوخانس اقدی یوم معینده دائرہ به کلش ایسدهه بالمقابلہ تمیز دعوی ایدن مدعی علیه نفس اردک قصبه سنده مقیم مقری استاورا کی ورود ایتدیکندن وکیل مومی الیهک ایضاحات شفاهیہ سیله باش مدعی عمومی معاونلرندن سعادتلو یورغا کی اقدینک مطالعه سی استماع قلدی .

اعلام مذکورک خلاصه مآلی جیقدم اوغلی طناش نام کسنه نک امره محرر بر قطعه سند موجبتجه و مرقوم استاورا کینک کفالتیله اردک منافع صندوقندن استقراض ایتمش اولدینی التیوز غروشدن ازغیر تسلیم درتیوز غروشک مع فائض بالغ اولدینی بیک بشیوز یتمش سکر کسور غروشک تحصیلى ادعا قلمش ایسدهه مبالغ مستقرض ایچون مرور ایدن بکر می بر سنهده بیک یوز یتمش سکر غروش او توز پاره فائض ضم و علاوه سی مغایر اصول و قانون اولدینی بیانیه رأس المال اولان درتیوز غروشه بر مثل فائض ضمیله بالغ اولدینی سکر یوز غروشک کفیل واصل مرقومانندن

تخصیصنه حکمدن و مستدعی تمیز زراعت بانقہ سی وکیلی اوخانس اقدینک اشبو حکم علیهنده کی اعتراضاتک باشلوجه سی جدید مراجعہ نظامنا . مه سنک ماقبلنه شمولی اوله من ایکن محکمه جبه نظامنامه مذکورک نشرندن اول ایشلیان فائضک تنزیل ایدلمسی قانونه مغایر اولدیندن بختله اعلامک نقضی استدعا سنندن ومدعی علیه استاورا کینک بالمقابلہ وقوعه بولان خلاصه اعتراضی دخی امره محرر سندادن متولد دعاوینک رؤیتی تجارت محکمه سنه عائد اولدینی حالده دعواى واقعه نک حقوق محکمه سنجه باقلمسی بولسز اولدینندن بختله بوجهندن طولای اعلامک نقضی طلبندن و معاون مومی الیهک مطالعه سی دخی مستند ادعا اولان سند تاریخ نظامنامه دن مقدم اوله رق نظامنامه مذکورک ماقبلنه شمولی اوله میه جفندن تاریخ مذکورہ قدر اموال عتیقه اوزرنده فائض یوریدلک لازم کله جکی بیانندن عبارت بولنمشدر .

ایجابی مذاکره اولندقدہ اعلام مذکور مندرجاتندن منقہم اولدینی اوزره دعواى واقعه اردک بدایت محکمه سی تجارت قسمنه رؤیت و فصل ایدلمش اولغله مرقوم استاورا کینک

بوجهته متدائر اولان اعتراضی غیر وارد کوریلهرک رد ایدلرکن صکره اساس ماده نك تدقیقینه کیریشلرکده مستند ادعا اولان سند تاریخچه نظراً مبلغ مدعا به مراجحه نظامنامه جدیدینک نشری تاریخندن مقدم استقراض ایدلش و بر نظامک ماقبلنه شمولى اوله میه چی قواعده عمومیه اقتضاسندن بولنمش اولسنه کوره مبلغ مستقرض ایچون جدید مراجحه نظامنامه سنک نشری تاریخچه قدر عتیق مراجحه نظامنامه سی موجبجه اقتضا ایدن فائضک بالحساب رأس المالی تجاوز ایتسه بیله تحت حکمه النمسی مقتضی اولدینی حالده محکمه جه بوجهت نظر دفته التمسین جدید مراجحه نظامنامه سنک نشرنندن مقدم ایشلیان فائضک رأس المالدن فضله سنک تنزیل قلمسی قانونه مغایر و مستدعینک بوبابده کی اعتراضی شایان قبول اولدیغنه بناء اصول محاکمه حقوقیه قانوننک ایکوز اوتوز ایکنجی ماده سی موجبجه اعلامک بوجهندن تقضیه قانون مذکورک ایکوز قرق بشنجی ماده سی موجبجه کیفیتک یکیدن بالرؤیه اعلامه ربطی ضمننده محکمه مذکوریه اعاده سنه وز یرده مفرداتی مرقم ایکوز اوتوز طقوز بحق غروش مصارف تمیزیه نك ایلروده حقسنر چیقه حق طرفه رجوع ایتک اوزره اول امرده

زراعت بانکه سندن النمسنه ۱۸ شباط سنه ۳۰۷ تاریخنده اکثریتله قرار ویریلهرک تفهیم قلمدی .

ککبوزه بدایت محکمه سندن ۱۰ مایس سنه ۳۰۷ تاریخی ویدی عددی ایله ریریلان اعلامک تمیزی استعدا ایدن ککبوزه نضاسنه تابع داریجه ناحیه سنده ساکن عمر اوغلی ولی اغا وکیلی مغردیچ شیشمانیان افندی ایله مدعی علیه داریجه لی اولوب درسعادنده ایاصوفیا کبیر جامعشرینی جوارنده کائن اجزاخانه قربنده بلا نومرولی دکانده مقیم لوقظه چی طودوری وکیلی واسیل افندی نك یوم معینده ایضاحات شاهیه لری استماع قلمدی .

اعلام مذکورک خلاصه مان مرقوم طودورینک داریجه ناحیه سنده واقع قوش تپه

نام محله کائن معلوم الحدود متصرف اولدینی اونبر دونم مقصداری ترلادن بش دونم محلته کندوسنک غیبوتی انناسنده کروم و اشجار غرس ایله مرقوم ولی طرفندن فضولی مداخله اولندیغندن بختله مداخله واقعه نك منغی ککبوزه بدایت محکمه سندن طلب و دعوی ایتسنه قارشو مدعی علیه مرقوم ولی دخی دعوی واقعه مرور زمان اولدینی کی یالکز منازع فیه اراضینک زمینه بدل ایجار اعطاسی لازم کله جکنی مدافعه درمیان ایتش ایسه ده اولبابده محکمه مذکورجه اجرا قلمن تدقیقات نتیجه سنده منازع فیه محکک مدعینک تصرفنده اوله رق فضولی مداخله اولدینی مدعی علیه ک اقراری و کشف ایله تحقق ایتدیکنندن بختله مذکور ترلایه مرقوم ولینک منع مداخله سنه حکمدن و مستدعی وکیلی مغردیچ شیشمانیان افندی نك اشبو حکم علیه نده کی خلاصه اعتراضی عندالحاکمه درمیان ایلدیکی مرور زمان دعواسنک نظر دفته التماسی مغایر قانون اولدیغندن بختله اعلام مذکورک نقضی استعداسندن و مدعی علیه ک نتیجه جوابی دخی اعتراضات واقعه واهی و بی اساس اولدینی بیانیله اعلامک تصدیق طلبندن عبارت بولنمشدر .

ایجابی لدی المذاکره اعلام مذکور مألندن

مستبان اولدینی اوزره ذات مسئله منازع فیه باغک اراضیسی حقنده اولسنه کوره محکمه جه ده متولی ویا وکیلنک بولندیرلمسی و ذی الیدلکک بالینه اثبات ایتدیرلمسی و بعد ثبوت الحق کروم و اشجارک قلمی ویا مستحق القلع اوله رق قیمتک اعطاسیله انجق اراضینک مدعی به تسلیمنه حکم ایدلمسی مقتضای قانون ایکن اشجار و کرومیه برابر تسلیمنه حکم اولنمسی اصول و قانونه مغایر اولدیغنه بناء اصول محاکمه حقوقیه قانوننک ایکوز قرق برنجی ماده سی موجبجه کیفیتک بالرؤیه اعلامه ربطی ضمننده محکمه مذکوریه اعاده سنه وز یرده مفرداتی مرقم اوچوز یکرمی التی غروش مصارف محاکمه نك ایلروده حقسنر چیقه حق طرفه رجوع ایتک اوزره اول امرده مستدعیدن النمسنه ۳۰ مایس سنه ۳۰۸ تاریخنده متفقاً قرار ویرلدی .

اقتصر بدایت محکمه سندن ۴ نیسان سنه ۳۰۵

تاریخی و یکریمی ایکی عددی ایله صادر اولان
اعلامک تمیزینی استعدا ایدن اقشهر قصبه سنده
مقیم تجارانندن یورغانچی زاده مراد اغا ایله مدعی
علیه قیصریه ده مقیم تجارانندن فرنگیان بدروس
اغا تعیین اولنان کونده دائره یه کلدکرندن اصول
محاکمه حقوقیه قانوننک ایکوز یکریمی طقوزنجی
ماده سی موجبجه تدقیقات تمیزیه اجراسنه
ابتدار قلندی .

اعلام مذکورک خلاصه مالی مرقوم
بدروس اغانک برقطه سند موجبجه اوراحام
وتوفیلوس نام کسنهلر ذمتلرنده باسند الاجنی
اولان یکریمی اننی لیرا اللی طقوز غروشک مع
فائض مرقومانندن و ممکن اوله مدینی حالده کفیلاری
بولنان مرقوم مراد اغاندن تحصیل حقدنه اقامه
ایلدیکی دعوی اوزرینه و لاجل المحاکمه تعیین قلنان
کونده اصیلان مرقومان ایله کفیل مرقوم
مراد اغا اجابت ایتماش اولدقلرندن بر موجب
سند مدعا به اولان یکریمی الی لیرا اللی طقوز
غروشک اصیل و کفیل مرقومانندن مع فائض
تحصیلنه قرار ویرلدیکندن و مستدعینک اشبو
قرار ابتدائی علیهنه باشلوجه اعتراض کندوسنک
کفالتی کفالت مشروطیه قیلندن اولدینی حالده

محکمه جه بوراسنه دقت اولنامسی مغایر قانون
اولدیغندن بختله اعلامک نقضی استعداسندن
ومدعی علیهنک نتیجه جوابی دخی اعتراضات
واقعه نک واهی و بی اساس اولدینی بیانله موافق
قانون اولان اعلامک تصدیق طلبندن عبارت
بولنمشدر .

ایجابی مذاکره اولندقدنه مندجات اعلامدن
مستبان اولدینی اوزره بدایه مدعی علیه بولنان
مدیون مرقومان اوراحام و توفیلوس ایله کفیل
مرقوم مراد اغانک لاجل المحاکمه وقوعبولان
دعوته عدم اجابتلری اوزرینه اصول محاکمه
حقوقیه قانوننک یوز قرق بشنجی ماده سی موجبجه
مرقومونک محافظه حقوقیه سی ضمننده بروکیل
مسخر تعیین ایتمکسزین رؤیت دعوی ایدلسی
ماده مذکوریه مغایر اولدیغنه بناء اصول محاکمه
حقوقیه قانوننک ایکوز قرق برنجی ماده سی
موجبجه اعلام مذکورک نقضنه و قانون مزبورک
ایکوز قرق دردنچی ماده سی موجبجه کیفیتک
یکیدن بالرؤیه اعلامه ربطی ضمننده محکمه
مذکوریه اعاده سنه وز یرده مفرداتی مرقوم اوچ
یوز سکسان طقوز یچ غروش مصارف تمیزیه نک
ایلزوده حقسز چیقہ جق طرفه رجوع انک اوزره

اول امرده مستدعیلردن النمسنه ۳۱ اغستوس
سنه ۳۰۷ تاریخنده متفقاً قرار ویرلدی .



درسعادت بدایت محکمه سی ایکنجی حقوق
دائره سندن ۱۲ مایس سنه ۳۰۸ تاریخی وطقسان
درت عددی ایله صادر اولان اعلامک تمیزینی
استعدا ایدن اوتاقچیلرده طقسان یدی نومرولی
خانه ده مقیم شهراماتی چاوشلرندن جمال اغا یوم
معینده دائره یه گلش ایسه ده مدعی علیها محله
مذکورده ساکنه متوفی عبدالحالق افندی
مخدومی صغیر محمد خالدک وصی منصوبی عایشه خانم
کلدیکنندن مستدعی مرقوم جمال اغانک ایضاحات
شفاهیه سیله باش مدعی عمومی معاو نلرندن سعادتلو
یورغانکی افندینک مطالعه سی استماع قلندی .

اعلام مذکورک خلاصه مالی مرقوم جمال
اغانک صغیر مزبور محمد خالدک پدر ووالده سندن
انتقالاً عهدۀ تصرفنده بولنان اوتاقچیلر جاده سنده

واقع بر باب منزلده اوچیوز ایکی سنه سی مارتندن
بری فضولی اقامتله مذکورخانه نک سند خاقانینسی
دخی یدینه کچوره رک تسلیمندن امتناع ایتمکده
اولدیغندن بختله خانه مذکورک بالتخلیه طرفه
تسلیمی ومدت اقامتنده لازم کلان اجر مثلنک
دخی تأدیه مثلی وصی مزبوره عایشه خانم طرفندن
طلب ودعوی ایدلسی و لاجل المحاکمه تعیین اولنان
کونده مرقوم جمال اغانک اجابت ایتماسی اوزرینه
غیابنده وکیل مسخر حضور یله اجرا قلنان محاکمه
وتدقیقات نتیجه سنده خانه مذکور یتیم مرقومک
مورتلرندن بالانتقال عهدۀ تصرفنده اولدینی حالده
مرقوم جمال اغانک اقامت ایلدیکی تحقق ایلدیکی کبی
مرقومک مبدأ اقامتی اولان اوچیوز ایکی سنه سی
مارتندن تاریخ استعدایه قدرشهری التمش غروش
اجر مثلی بولندینی مدعیه مزبوره طرفندن اقامه
اولنوب محکمه جه استماع اولنان شاهدلرک شهادتیه
تحقق ایتمش بولندیغندن اجر مثل مذکورک سنه
مرقومه دن ۲۹ مایس سنه ۳۰۶ تاریخنه قدر بالغ
اولدینی اوچ بیک التمش غروشک مرقوم جمال
اغاندن بالتحصیل لاجل الارباح اموال ایتمام
صندیغنه ارسالنه و خانه مذکورک بالتخلیه وصیه
مزبوره عایشه خانمه تسلیمنه دائر محکمه
مذکورده دن صادر اولان اعلام غیابینک اعتراض

اعلان

على الحكم اوزر ينة تصديقه حكمدن و مستدعى
جمال اغانك اشبو اعلام عليهنده كى اعتراضاتك
باشلوجهسى صغير مز بورك مقدمكى وصيسى رقيه
خانم طرفندن بدل مستقرضه مقابل مرهونيت
صورتيله خانه مذكور كندوسنه تسليم اولنديغنى
اشناى محاكمده ادعايتش اولدينى حالده محكمه جه
ادعاى واقعه حواله سمع اعتبار ابدليهرك
كنديسنك مستاجر عديله مبالغ مذ كوره نك
تحصيلنه حكم اولنمى مفاير قانون اولديغندن بخمله
اعلامك تقضى استدعاسندن ومدعى عليها عايشه
خانمك نتيجة جوابى دخی موافق اصول و قانون
اولان اعلام مذكورك تصديق طلبندن و معاون
مومى اليهك مطالعهسى دخی منازع فييه خانهك
صغير محمده عايدتى تحقق ايتش اولمسنه مبنى
اعتراضات واقعه نك موافق قانون كور يله مديكى
بيانندن عبارت بولنمشدر .

ما بعدى وار

اورته كويده دره بوينده يكرمى ساكر
نومرولى خانهده ساكن صرافاندىن صابونجى
اوغلى آرتين اقدينك جمعيت رسوميه اعضاسندن
متوفى نعيم اقدى ورتهسى مائده ونوبر و طيبه
خانملى عليهنه اقامه ايلديكى اعتراض دعواسندن
طولايى تنظيم و اخراج قلسان ورقه دعوتيهلر
ورته متوفى مومى اليهدين مائده ونوبر خانملى
تبليغ اولنمش ايسهده طيبه خانمك اقامتگاهى
مجهول اولسندن ناشى معامله تبليغيه اجرا قلنه مامش
و مستدعى مومى اليهك وقوع طلب مبنى اصول
محاكمات حقوقيه قانون موقتك كرمى التنجى
مادهسى احكامنه توفيقاً اولبايدهكى ورقه دعوتيه نك
دائرة ديوانخانه سنه تعليقه يوم محاكمه نك بر مقتضاي
قانون اوراق حوادتله اعلاني لزومنه قرار و يرلمش
اولديغندن و دعواى واقعه اشبو اوچيوز ساكر
سنهسى تشرين اولك يكرمى التنجى بازار ايرتسى
كونى اجراسى مقرر بولنديغندن يوم و وقت
مذ كورده مومى اليها طيبه خانمك لاجل المحاكمه

در سعادت بدايت محكمهسى برنجى حقوق دائره سنده
حاضر بولنمى اعلان اولنور .

فى ۲۶ ربيع الاول سنه ۳۱۰

وفى ۵ تشرين اول سنه ۳۰۸

بفچه قپوسنده اوچ نومرولى لوقفهده ساكن
لوقفه جى كراقو غر يغور ياديس طرفندن لنگه
كبيرده اينه بك محله سنده ميراخور حامى جاده سنده
يدى نومرولى دكانده ساكن آشجى اصنافندن
واسيل ايله نيغوغوص عليهنه اوله رق در سعادت
بدايت محكمه سنك برنجى حقوق دائره سنده اقامه
اولنان دعوى اوزر ينة اصولاً تنظيم و اخراج
اولنان ورقه دعوتيهلر مرقومانك محل مذ كورده
كائن دكانلر ينة كوندولمش ايسهده بولنه ماملرندن
و بناء عليه بونلرك يدى ماه مقدم مذ كور دكانى
ترك و تخليه ايله قفى طرفه كتدكلى ده مجهول
بولنديغى محله مرقومه مختارى طرفندن مذ كور

دعوتيه ورقه لرى ظهر لر ينة ايديلان شرح
واشارتدن اكلا شلمسندن طولايى مدعى مرقومك
طليله يوم محاكمه ايچون تشرين اولك يكرمى
يدنجى صالحى كونى بالتعيين مرقومونك يوم
مذ كورده ساعت بش راده لر نده دائرة مرقومه
كللى حقنده اولان مذ كور دعوتيه ورقه لرى
اولبايدهكى عرض حال صورتلر يله برابر اصول
محاكمه حقوقيه قانون موقتك يكرمى التنجى
مادهسى احكامنه توفيقاً دائره ديوانخانه سنه تعليق
قلنمش اولديغنى كى شو و جهلهده قرار و يرلمش
اولديغندن اعلان ايدلمش يوم و وقت مذ كورده
مرقومان واسيل و نيغوغوصك لاجل المحاكمه
برنجى حقوق دائره سنده حاضر بولنملرى و عكسى
حائده قانون مذ كورك يوز قرق درت و يوز قرق
بشنجى ماده لرى موجبجه معامله غيايبه اجرا
قلنه جنى اخطار يله معامله تبليغيه اجرا قلنور .

فى ۶ ربيع الاخر سنه ۳۱۰

وفى ۱۵ تشرين اول سنه ۳۰۸

اعلام موجینجه صراف مور اوئیفه محکوم به
 دینی اولان معلوم المقدار مبالغتک تأمین استیفاسی
 ضمانتده چنکل قریه سنده قالدیرم یولنه ایکی
 نومرو ایله مرتتم مقاطعه لو بر قطعه باغ مع
 گوشکک قرق سکر سهم اعتبار یله تصرف
 اولدیغی قرق بش سهمتک فروختی اعلان اولنه جق
 ایکن سهوه مینی یگرسی دیرت سهمی اعلان
 اولنمش اولدیغندن تاریخ اعلاندن اعتباراً اون
 بش کون صکره مذکور قرق بش سهمی بالمزایده
 فروخت ایتدیر یله جکی بک اوغلی بدایت حکمه سی
 اجرا ماموریتی جانبندن اعلان اولنور

فی ۲۲ تشرین اول سنه ۳۰۱

خرستا کینک حاجی اوغلی قسطی ذمتده
 بااعلام الاجنی اولان مبالغتک تأمین استیفاسی
 ضمانتده تحت حجزه النان چنکل قریه سنده
 واپور اسکله سی قارشوسنده سکسان ایکی نومرولی
 مسکرات مغازه سیله کوکصوده کآن اوتوز بر
 نومرولی باغچه ده اولان حصه شایعه لرینک
 تاریخ اعلاندن اعتباراً اون بش کون صکره
 بالمزایده فروخته مبادرت اولنه جنی اسکدار
 بدایت محکمه سی اجرا دائره سندن اعلان
 اولنور .

فی ۲۰ تشرین اول سنه ۳۰۸

